



香雪林集卷之二十三

詩餘

香雪林主人允明王思義集

惜黃花

許冲元

鴈聲曉斷寒霄雲捲正一枝開風前看月下見花占
千花上香笑千香淺化工與最先裁剪○誰把瑤林
秀閑拋江岸恁素英濃芳心細意何限不恨宮粧色
不怨吹羌管恨天遠恨春來晚

梅花令

孫光憲

數枝開與短牆平見雪萼紅跗相映引起離人邊塞
情○簾外欲三更吹斷離愁月正明空聽隔江聲

望梅花

歐陽永叔

春草全無消息臘雪猶餘蹤跡越嶺寒枝香自拆○
冷艷奇芳堪惜何事壽陽無處覓吹入誰家羌笛

千秋歲

臘殘春近江上梅開粉一枝漏泄東君信壽陽粉面
靚姑射冰姿瑩似淺杏清香試與分明認○只恐霜

侵破又怕風吹損待折取還不忍莫將花上貌來點
多情鬢凝睇久行人立馬成遺恨

早梅芳近

李德載

雪兒魂在水雲鄉猶憶學梅粧玻璃枝上體薰山麝
色帶飛霜○水邊竹外愁多少不斷俗人腸如何伴
我黃昏携手步月斜廊

又

王侍郎望之

凌寒低亞出墻枝孤瘦雪霜姿歲華已晚暗香幽艷

自與時違○化工放出江頭路沙水冷相宜東風自
此別開紅紫是處芳菲

又

前時同醉曲江濱初樣小梅春花殘人遠幾經風雨
結子青青○誰知別後無腸斷行盡水雲程脩峯萬
仞郵亭空息獨對黃昏

相見歡

月明疎影林間水潺潺一點濃香十里渡關山且莫

負好分付冷無眠只怕笛聲嗚咽到愁邊

搗練子八

搗練子賦梅枝暖借東風次第吹自是百花留不住
讓教先發放春歸

搗練子賦梅芳柳綠桃紅謾點粧試問仙標橫竹外
敢同高節伴冰霜

搗練子賦梅紅玉體凝酣半醉中詩酒興來須要早
恐看紅雨落西東

搗練子賦梅香蕙魄蘭魂又再陽只爲人間無着處
借他龍笛返仙鄉

搗練子賦梅英枝上商量細細生不是根株貪結子
被吹羌笛兩三聲

搗練子賦梅粧鏡裏佳人傳粉忙額子畫成終未是
更須挿向髻雲傍

搗練子賦梅音雲底江南樹樹深悵望故人千里遠
故將春色寄芳心

搗練子賦梅青休共相梨取次爭葉底青青如豆小
已知金鼎待和羹

減蘭十咏摠題

梅葩香嫩雪裏開時春粉潤雨盡風枝暗與黃昏取
次宜○日邊月下休問初開蕪欲謝却最妖嬈不似
群花春正嬌

風

東風吹暖輕動枝頭嬌艷顫成片驚飛不是城南畫

角吹○香英飄處定向壽陽粧閣去莫損柔柯今日
清香遠更多

雨

瀟瀟細雨雨歇芳菲猶淡竚密灑輕籠濕遍柔枝香
更濃○瓊腮嫩膩疑是疑酥初點綴冷艷相宜不似
梨花帶雨時

雪

六花飛素飄入枝頭無覓處蜜綴輕堆只似香苞次

第開○欄邊欲墜姑射山頭人半醉墻外低垂窺送
佳人紛再吹

月

寒蟾初燦正是枝頭開爛熳素質籠明多少風姿無
限情○暗香疎影水麝蕭蕭山驛靜淺蕊輕枝酒醒
更闌夢斷時

日

騰騰初照半折瓊苞還似笑莫近柔條只恐疑酥暖

欲消○三竿已上點綴胭脂紅蕩漾剛道宜寒不似
前村雪裏看

曉

急催銀漏漸漸紗窗明欲透點檢花枝曉笛吹時幾
片飛○淡煙初破髣髴夜來飛幾朵淺粉餘香晨起
佳人帶曉粧

晚

天寒欲暮別有一般姿媚處半載斜陽寶鑑微開試

晚粧○淡煙輕處漸近黃昏香暗度休怕春寒秉燭
重來仔細看

早

陽和初布入萼春紅纔半露暖律潛催與占百花頭
上開○香英微吐折贈一枝人已去楊柳貪眠不道
春風已暗傳

殘

香芭漸少滿地殘英寒石掃傳語東君分付南枝桃

李春○東風吹暖南北枝頭開爛熳一任飄吹已占
東風第一枝

鷓鴣天

石耆翁

借問枝頭昨夜春已傳消息到柴門頻看秀色無多
艷接得清香不見痕○山矗矗水潏潏村南村北冷
消魂人間不識春風面羞見瑤臺破月明

又

冷落人間晝掩門冷冷殘粉縠成紋幾枝疎影溪邊

見一拂清香馬上聞○水作簷月爲魂蕭蕭細雨入
黃昏人間暫識東風信夢遶江南雲水村

又

鄭明舉

誰折南枝傍小叢佳人丰色與梅同有花無葉真瀟
灑不問胭脂借淡紅○應未許嫁春風天教雪月伴
玲瓏池塘疎影傷幽獨何似橫斜酒盞中

又

夢草池塘春意回巧傳消息是寒梅北枝休羨南枝

暖憑仗東風次第開○酥點萼粉勻腮未攀已得好
香來西隣且莫吹羗笛畱待行春把酒杯

又

葉少蘊

不怕微霜點玉肌恨無流水照冰姿與君着意從頭
看初見今年第一枝○人醉後雪晴時江南春色寄
來遲使君本是花前客莫怪殷勤爲賦詩

又

雪屋冰床深閉門縞衣應笑織成紋雨中清淚無人

見月下幽香只自聞○長在眼遠消魂玉奴那忍負
東昏偶然謫墜行雲去不入春風花柳村

又

小檻冬深未破梅孤枝清瘦耐風埃月中寂寞無人
管雪裏蕭疎近水栽○微雨過早春回陽和消息自
天來本根多謝東君力瓊蕊苞紅一夜開

又

春入江梅破曉寒凍枝驚鵲語聲乾離愁滿抱人誰

問病耳初聞心也寬○風細細露珊珊可堪驛使路
漫漫斜稍待得人來後簪向烏雲仔細看

又

孔處春

却月凌風度雪清何郎高詠照花明一枝弄碧傳幽
信半額塗黃拾晚榮○春思淡暗香輕江南雨冷若
爲情猶勝遠隔瀟湘水忽到窓前夢不成

又

別得東皇造化恩黛消鈿淺自天真耻隨庾嶺花爭

日疑是東籬菊返魂○風淡淡月盈盈麝煤沉馥動
花根寒蟬冷蝶知何處惟有蜂房不待春

又

邵叔齊

不比江梅粉作花天香肯作俗香誇高懸蠟倍蜂房
蜜遍掛金鍾鴈字斜○侵月影上窓紗中央顏色自
仙家玉人插向烏雲畔渾似靈犀正處華

浣溪沙

王輔道

雪裏東風未過江隴頭先折一枝芳如今疎影照溪

塘○比客乍驚無綠葉東君應笑不紅粧玉真愛着
淡衣裳

又

毛澤民

月樣嬋娟雪樣清索強先占百花春於中無外好精
神○多病肌膚元自瘦半粧淺粉不須勻十分渾似
那人人

又

水淨煙閑不染塵小山斜臥幾枝春夜寒香惹一溪

雲○粉淡朱輕粧未了十分孤迥好精神爲伊清瘦
却愁人

又

孫仲益

弱骨輕肌不耐春一枝江路玉梅新巡簷索笑爲何
人○踈影徘徊波上月醉香搖蕩竹間雲酒醒人散
夢仙村

又

毛澤民

曾向瑤臺月下逢爲誰回首矮牆東春風吹酒褪腮

紅○庾嶺殷勤通遠信梅家瀟灑有仙風晚香都在
酒杯中

又

萼萼飛雲橫盡闌黃昏烟雨滿江干小梅香淺不禁
寒○樓上風輕簾不捲酒紅銷盡晝粧殘玉人斜捲
一枝看

又

十月開花是子真小春分付與精神折來含露曉粧

新○暖意更從窓下見粉容何待鑑中勻宛然長似
玉華清

又

梅粉初嬌擬嫩腮一枝春信臘前開玉英珠顆傍粧
臺○明月泛將疎影去暗香疑是那入來消魂獨自
立空堦

又

水北烟寒雪似梅水南梅開雪千堆月明南北兩瑤

臺○雲近恰如天上坐魂清疑向北邊來梅花多處
載春回

又

剪碎紅娘舊舞衣漢宮粧粉滿瓊枝東風來晚未曾
知○顏色不同香小異瑤臺春近宴回時寶燈相引
素娥歸

又

梅與爲名蠟與容寒枝遍綴小金鍾插時只恐鬢邊

鏢○疑是佳人煙麝月起來風味入懷濃暗香依舊
月朦朧

又

梅與稱名蠟與黃枝無裊娜色無光掩擅欺麝冠群
芳○結處定緣蜂力就開時微帶蜜脾香風標不減
壽陽粧

太常引

行雲蹤跡杳無期梅梢上又春歸不道又別離這一

度清香爲誰○多情囑付庾樓羌管憑仗且休吹畱
取兩三枝待和淚封將寄伊

又

江梅開似蕊珠宮報桃李又春風驀岫看前峯待摘
取橫斜盞中○魏林楚嶺素粧清絕不與衆芳同和
月映簾櫳羨幾點施朱太紅

小重山

竹裏清香簾影開一枝照水弄精神樓頭橫管罷龍

吟休三弄畱爲與調羨○紫陌與青門溪邊浮動處
絕纖塵等閑休付壽陽人瀟灑處月淡又黃昏

又

不是蛾兒不是酥化工應道也難摸花兒清瘦影兒
孤多情處時有暗香浮○試問玉肌膚夜來霜雪重
怕寒無一枝欲守洞庭姝可惜許只有鴈啣蘆

又

天際春來都爲君依稀丹萼動波 雲惱人天氣近

黃昏霜月底山麝闌微薰○標格自天真壽陽仙骨
瘦玉無紋芳容臨鑑洗餘醺雙蛾穩花面兩難分

西地錦

不與群花相續獨占春光速幽香遠遠散西東惟竹
籬茅屋○羌管誰調一曲送月夜猶芬馥憑君折取
向玉堂只這些清福

又

嶺上初消殘雪正梅花先折東君造化多成翠巧風

韻奇絕○小院黃昏時節暗香浮疎影橫斜寄取和
羨未晚免教攀折

踏歌

帶雪向南枝一朶江梅折許多時甚處收香白占百
卉先春色○瑩潔正廣寒宮殿人窺隔銷魂處畫角
數聲徹暗香浮動黃昏月○瀟灑處最奇絕孤標迥
不與群芳列吟賞竟連宵痛飲無休歇輸有心牧童
偷折

感皇恩

剪玉蹙花苞臘寒時候間竹橫溪自清瘦黃昏時後
拂拂暗香微透壽陽粧面恨眉頻闕○堪賞占斷三
春先手不是東君意偏有百花羞盡故教孤芳獨秀
只愁明月夜笛聲奏

枕屏兒

江國春來畱得素英肯住月籠香風弄粉詩人盡許
酥蕊嫩檀心小不禁風雨須東君與他做主○繁杏

天桃顏色淺深難駐柰芳容全不稱水姿伴侶水亭
邊山驛畔一枝風韻十分似那人人淡竚

憶秦娥

房舜卿

與君別相思一夜梅花發梅花發淒涼南浦斷橋斜
月○盈盈微步凌波襪東風笑倚天涯濶天涯濶一
聲羌管暮雲愁絕

又

瑤臺月寒光零亂蒙香雪橫枝疎影動人清徹○分

明姑射神仙骨未姿雪裏難埋沒難埋沒百花頭上
爲春光發

望江南

梅花好滿樹錦江邊不似武陵曾見日清香冷艷撲
樽前銷得醉留連○憑造化分付與花權已共雪光
爭臘早且將春信爲君傳桃李莫誇先

又

梅花好依約透春光記得佳人初睡起巧臨鸞鑑試

新粧粉面聞瓊芳○江亭上遶樹嗅清香擬把一枝
傳信去不知何處是蘭房獨自暗淒涼

品令

山重雲起斷橋外池塘水曉來風定竹枝相亞殘陽
影裏多少風流都在冷香疎蕊○江南千里問折得
誰能寄幾番歸去酒醒月滿欄干十二且隱深溪免
笑等閑桃李

又

一陽生暖見庾嶺梅初綻瓊枝玉樹渾如傅粉
粧面疎影橫斜隱隱月溪清淺○前村雪裏向雪裏
真難辨倩誰說與高樓人道休吹羌管且與從容來
歲和羹未晚

又

雪花飛墜有人報江南意博山爐畔硯屏風裏銅槃
寒水賦得幽香疎淡數枝相倚○絳膚黃蕊今一種
高標致笛中芳信嶺頭春色不傳紅紫寂寞閑亭月

下夜闌影碎

相思引

笑盈盈香噴噴姑射仙人風韻天與肌膚當素嫩玉
面猶嫌粉○斜倚小樓凝遠信多少往來人恨只恐
乘春雲雨因迤邐嬌容褪

又

半苞紅微露粉瀟灑早梅猶嫩香入夢魂殘酒醒芳
意相牽引○不畏曉霜侵手冷欲折一枝芳信新得

却無人寄問爭信相思損

好女兒

山谷道人

小院一枝梅衝破曉寒開
偶到張園游戲霑袖帶香
回○玉酒覆金盃盡歸去
猶待重來東隣何事驚吹
怨笛殘雪成堆

慶金枝

新春入舊年綻梅萼一枝先隴頭
人待信音傳算楚
岸未香殘○小桃風雪凭欄
千下簾幙護輕寒年華

永占入芳筵付樽前漸成歡

菩薩蠻

晁次膺

百花未報芳菲信一枝探得春風近
只與雪爭先更
無花比香○孤標天賦與冷艷
誰能顧庭院好深藏
莫教開路傍

又

天威亂糝瓊蕤密一光吞盡千山碧
梅與雪爭妍孤
香風暗傳○玉骨從來瘦不柰
春僝僽羌管一聲殘

水鄉生暮寒

又

黃昏月暗清溪色
簾垂小閣霜華白
一夜玉玲瓏橫
斜水月中
○水行孤影動
生怕驚花夢
半夜得春歸
屏山人未歸

又

含章簷下
睂如月融酥
和粉描疎雪
桃杏莫爭春
凌風臺畔人
○如今千萬樹
零落孤村雨
和淚滴瑤觴

歸時肌肉香

又

嶠南江淺紅梅小
小梅紅淺江南嶠
窺我向疎籬
疎籬向我窺
○老人行即到
到即行人老
離別惜殘枝
枝殘惜離別

又

李方叔

城陰猶有松間雪
松間暗淡城頭月
月下幾枝梅
爲誰今夜開
○樽前替素髮
自擁繁枝折
疑是在番臺

寶燈攜手來

又

江南未雪梅先白憶梅人是江南客猶記舊相逢淡
煙微月中○春風長有信消息歸來近懷遠上樓時
晚雲和鴈低

又

霜天不管青山瘦輕雲殘拂修眉皺煙樹隔瀟湘隔
帆吹異香○影殘春恨小淡墨欹斜倒無處着消愁

笛寒人倚樓

又

周忌機

梅花韻似人人面為伊寫在春風扇人面似花妍花
應不解言○在手微風動勾引相思夢莫用挿酴醾
酴醾羞見伊

又

薰沉刻蠟工夫巧密脾鎖碎金鍾小別是一般香解
教人斷腸○水霜相與瘦清在江梅否念我忍寒來

憐君特地開

木蘭花 十梅

莫少虛

一枝和露珍珠貫月下為來尋幾遍今朝忽見數枝
開未有十分如待伴○新粧不比徐妃面雪艷水姿
寒欲顫外邊多少掃春人春信莫教容易見 未開

又

梅邊曉景清無比林下詩人呵凍指玉籠畱住麝臍
煙銀漏滴殘龍腦水○晨光漸漸收寒氣昨夜遺簪

尤在地好生折贈鏡中人只恐綠窗慵未起 曉景

又

清姿自是生寒瘦更在春前并臘後誰教六出乃遮
歲手似一番先透漏○謝娘莫把翻衣袖無限瓊英
飄玉甃晴花朵朵見天真可奈碧溪和粉溜 雪裏

又

寒稍雨裏愁無那林下開時宜數過夕陽恰似透清
溪一樹橫斜疎影臥○朱唇莫比桃花破鬢鬢黃金

花欲墮騰看春雪滿空來觸處是花尋那箇

晴天

又

尋梅莫背東風路路在花前知去處真香破鼻驀然
聞試問幽叢知幾步○多情更被無寒助萬物枯特
神物護一枝和雪倚攔干昨夜初開春信度

風前

又

暗香浮動黃昏後更是月明如白晝看來都坐玉壺
未折贈徐妃丹桂手○賞酌風景無過酒對影成三

誰左右勸君攜取董妖嬈扶得醉翁香滿袖

月下

又

花時人道多風雨梅蕊都來無幾許何須飄洒濕芳
心粉面琳琅如淚注○家童莫掃花陰土畱浥瓊林
枝上露若教燕子早啣泥徑裏餘香應滿戶

雨中

又

眼前欲盡情何限風外南枝無一半東君何事莫教
開及至如今都不管○高樓三弄休吹趲一片驚人

腸欲斷杏花開後莫嫌衰如豆青時君細看

謝欲

又

前村雪裏雖然早爭似橫斜開處好直饒隔水且江南也恐一枝春未到○延賓莫恨花陰小見說芳林今古抱集花瀟灑洞天深永夜玉山應自倒

吟咏

又

少陵長皮老為酒况是梅花非草草臨岐爭奈不吟詩可老○詩成莫惜樽罍倒不醉花前

花解笑醒時分付兩三枝酒後憶君清夢到

望梅

南鄉子

大卿榮謹

江上野梅芳粉色盈盈照路傍閑折一枝和雪嗅思量似箇人人玉體香○特地起愁腸此恨誰人與寄將山館寂寥天欲暮淒涼人轉迢迢路轉長

又

梅蕊露鮮妍雪態永安巧奈寒南北枝頭香不斷堪觀露浥瓊苞粉未乾○盡手寫應難橫管休吹恐易

殘留得佳人臨曉際凭欄試把新粧比並看

又

把酒對江梅箇是花中第一枝水雪肌膚瀟灑態須
知姑射仙人正似伊○東閣賦新詩慙愧當年社拾
遺月裏何人橫玉笛休吹正是芳梢着子時

又

東坡

寒雀滿疎籬爭抱寒柯看玉蕤忽見客來花下坐驚
飛踏散芳英落酒卮○痛飲又能詩坐客無醺醉不

知花謝酒闌春到也離離一點微酸已着枝

又

莫作俗花看殊有清香雪太寒擬把千鍾酬國艷林
間醉倒猶嫌酒量慳○欲去更重攀送盡斜陽未忍
還爭得重城休上鐫留連借取冰輪照玉顏

又

醉撚一枝春此意誰人會得君嫩白輕紅纔入手盈
盈一似前時酒半醺○心眼兩相親絕代風流惱殺

人粉蝶霜禽休悵望叮寧只要揚州作主盟

又

欄檻對幽堂翠葉枝頭萬朶霜檀口乍開龍麝噴非常體勝佳人骨異香○花與月爭先偏引蜂兒戲遶牆不與群英爭艷麗芬芳俟落東君只淡粧

又

凜冽苦寒時萬木凋枯力漸衰昨夜前村深雪裏春回庾嶺南枝綻早梅○映月與清輝驛使加鞭喜探

迴風送馨香來小院芳時料想群花尚未知

又

把酒祝江梅春到南枝早早開人在隴頭凝望久徘徊驛使如今尚未來○寄語莫相催直待東風細剪裁只恐未能傳信息粧臺先要飛來襯粉腮

憂金釵

梅蕊破初寒春來何太早輕傳粉向人先笑比並年時較些少愁底事十分清瘦了○影靜野塘空香寒

霜月曉風韻減酒醒花老可殺多情要人道疎竹外
一枝斜更好

人月圓

園林已有春消息尋待嶺頭梅一枝清淡疎疎帶雪
昨夜初開○芳心幾點東風多少先爲傳來不隨紅
紫紛紛鬧蝶妬蜂猜

一斛珠

寒水初泮嶺頭一朵香苞綻萼萼如畫真堪羨林暹
隨風柳絮垂金線○月宮每嫌開較晚壽陽又喜勻
粧面更聞何處鳴羌管一曲一聲惹起神撩亂

解佩令

蕙蘭無韻桃李堪掃都不數凡花閑草對月臨風長
是故來相惱和魂夢被他香到○江頭鹿畔爭先占
早一枝枝看來總好似恁風標待發願春前祈禱祝
東君放教不老

醉花陰

舒信道

月幌風簾香一陣正千山雪盡冷對酒鍾
情別是江南信○壽陽粧罷人微困更玉釵斜襯斜
插一枝歸只恐風流羞上潘郎鬢

又

粉粧一捻和香聚教露華休妬今日在樽前只爲情
多脉脉都無語○西湖雪過留難住指廣寒歸去去
後又明年人在江南夢到花開處

又

霓裳試艷來何處不是閑雲雨雪苑舊精神燕席吟
窓昨夜生輕素○珊瑚豈是東風妬惜暗香分付香
在玉清宮不惹年華只帶春寒去

掃地舞

酥點萼玉碾萼點時碾時香雲薄才折得春力弱半
掩朱屏垂繡幕怕吹落○撚一餉嗅一餉撚時嗅時
宿酒忘春爭去不忍放待對菱花斜插向寶釵上

玉樓人

去年尋處曾持酒又還是向南枝見後宜霜宜雪精神沒些兒風味減舊○先春似與群芳鬪暗度香不待頻嗅有人笑折歸來玉纖長儘露羅袖

燕歸梁

月裏雲裝冷艷裁獨秀在岩隈雪中昨夜一枝開探春色歲前來○清香折得多情寄與人向隴頭回憑君移取近瑤臺伴桃李日邊栽

憶人人

密傳春信微粧曉景淡竚香苞欲綻臨風雖未吐芳心柰暗露盈盈粉面○何人月下一聲長笛即是花飛英亂憑闌無惜賞芳姿更莫待領筐已滿

又

前村深雪難尋幽艷無柰清香漏綻煙梢霜萼出墻時似暗妬壽陽粧面○幽香浮動無緣攀賞但只心勞魂亂不辭他日醉瓊姿又只恐陰成子滿

採桑子

花中獨占春風早長愛江梅秀艷清杯芳意先愁調
角催尋香已落閑人後此恨難裁更曉須來却恐初
開勝未開

又

何文績

百花叢裏花君子取信東君取信東君名策花中第
一勛結成寶鼎和羹味

多謝東君

多謝東君香遍還應號令春

又

陽和欲報春來也先上南枝桃李休疑折遍香梢人

未知黃昏小院誰攀折疎影斜欹半掩朱扉旋喚清
香月下歸

又

江南春信梅先賦休道春遲映竹開時姑射仙人雪
作肌青樓且莫吹羌管留勸金卮折取高枝香滿名
園蝶未知

又

南枝淡貯無妖艷蠟蕊羞黃爭似紅粧不假施朱美

曉光雪融日暖瓊肌膩酒暈生香桃臉相當九笑桃花混衆芳

又

幽芳瑩白前村裏豈籍春工勝盡群紅瓊然凝酥向不同一聲羌管愁人處片片西東覩此遺蹤不怨狂風怨馬融

又

肌膚綽約真仙子來伴冰霜洗盡鉛黃淨面初無一

點粧尋花不用吹銀燭暗裏聞香零落池塘分付餘妍與壽陽

又

東君有意觀群卉故放爭先帶露含煙對月偏宜映水邊瓊苞素蕊胭脂淡雪後風前堪賞堪憐曾與歌樓佐管絃

又

群芳盡老園林燼獨有寒梅探得春回昨夜前村一

朶開輕盈雪裏孤根秀素臉香腮羞管休催畱取瓊
葩佐酒杯

又

霜風漏泄春消息折破孤芳野興彷徨姑射神仙觸
處藏新粧不假施朱粉雪月交光欲贈東皇冷淡龍
涎點點香

又

煙籠淡月寒宵永悄悄簾櫳微度香風幾點梅開小

院中擁衾欹枕難成寐蕭寺初鍾鴈響遙空家在青
山千萬重

又

飛瓊欲赴瓊臺宴先具威儀雲駕霓衣從者皆騎白
鳳飛人間盡變爲銀海此景偏奇姑射水姿昨夜前
村見一枝

又

鎔金脫得花鈿小點綴瓊枝月淡風微露浥香肌自

是奇王人呵手昂頭剪載髻邊垂似簇蜂兒春到芳
容不肯飛

漁家傲

沈會宗

今年早覺花信蹉想芳心未應悞我一日小徑幾迴
過始來尋但見雪痕微破○眼前大抵情無那好景
色只消此箇春風爛熳都且可是而今枝上一朶兩
朶

又

幽香淺淺濕未透認雪底思不始有剪裁尚覺瓊瑤
皺苦寒中越恁骨清肌瘦○東風氣象園林舊又今
年而今時候急宜小摘當罇酒選一枝且付玉人纖
手

鞋紅

紛香尤嫩衾寒可慣怎奈向春心已轉玉容別是一
般閑婉悄不管桃紅香淺○月影簾櫳金堤波面漸
細細香風滿院一枝折寄故人雖遠輒莫使江南信

斷

武林春

昨夜前村深雪裏春信爲誰傳風送清香滿座間不用蕪沉檀○竹外一枝斜更好偏稱玉人攀休放游蜂去又還嫌怕損芳顏

菩薩蠻

趙德麟

春風試手梅先蕊未姿冷艷明沙水不受衆芳知端須月與期○清香閑自遠先向釵頭見雪後宴瑤池

人間第一枝

鷓鴣

臨鸞常倦整粧梅枝枝仙艷月中開可殺天心故與多端麗那更羅衣峭窄裁○幾回瞻覩魂消黯芙蓉勻透雙腮好將心事都分付與時暫到小庭來玉砌紅芳點綠苔

又

柳耆卿

天將奇艷與寒梅乍驚繁杏臘前開暗想花神巧作

江南信解染胭脂細剪裁○壽陽粧罷無端飲凌晨
酒入香腮恨聽煙鴻深中誰恁吹羌管逐風來瑞雪
紛紛落翠苔

又

宴丞相

江南殘臘欲歸時有梅紅亞雪中枝一夜前村聞道
瑤英折端的千花冷未知○丹青改樣勻朱粉雕梁
欲畫 疑何妨與向冬深家種秦人路夾仙溪不待
天桃客自迷

又

越娥 淚泣朝雲越梅從此學妖嬈臘月初開瘦嶺
繁開後時染妍華贈世人○前村昨夜深深雪朱顏
不損天真何時驛使西歸寄與相思客一枝新報道
江南別樣春

玉樓春

林逋詩句

衆芳搖落獨鮮妍占盡風情向小園疎影橫斜水清
淺暗香浮動月黃昏○寒禽欲下先偷眼粉蝶如知

合斷魂幸有微吟可相狎不須檀板共金樽

又

崔曾詩句

含情含態一枝枝斜壓漁家短短籬惹袖尚餘香半
日向人如訴雨多時○初開偏稱雕梁盡未落先愁
玉笛吹行客見時無意去解帆烟浦爲題詩

又

周忘機

一痕 卍掛簾櫳梅影斜斜小院中狂醉有心窺粉
面夢魂無處避香風○愁來夢斷三千里人在巫山

十二重 卍尺藍橋無處問玉簫聲斷楚山空

漢宮 卍粉淨無痕蠟點寒梢水畔村愁犯水霜欺竹
栢肯同雲月弔蘭蓀○騷人詠去清詩健驛使傳來
舊與存病眼渾疑春思早一枝聊洗畫圖昏

又

柳未回青蘭未芽誰知此物在君家綠窓借得先春
手黃蠟吹成耐凍花○衣麝暗薰香髻髻山蜂誤認

影橫斜憑君說與徐熙道翰墨從今不足誇

一落索

臘後東風微透越梅時候一枝芳信到江南來報先
春秀○宿醉頻拈輕嗅堪醒殘酒笛聲容易莫相催
留待纖纖手

定風波

陸務觀

歌帽 鞭送客回小橋流水一枝梅衰病逢春多不
記不謂幽香解却逐人來○女得身閒頻置酒攜手

與君看到十分開少壯相逢雪鬢因甚流年羈恨

兩相

滿江紅

踈蒨幽香禁不過晚寒愁絕那更是巴東江上楚山
千疊歌帽閒尋西瀼路驛鞭笑向南枝說恐使君歸
去過鑿坡孤風月○清鏡裏悲華髮山驛外溪橋側
凄然回首處鳳凰城闕憔悴如今誰領畧飄零已是
無顏色問行厨何日喚賓僚猶堪折

朝中措

幽姿不入少年場無語只淒涼一箇飄零身世十分
冷淡心腸○江頭月底新詩舊夢孤恨清香任是春
風不管也曾先識東皇

月上海棠

斜陽廢苑朱門閉吊興亡遺恨淚痕裏淡淡宮梅也
依然 酥萌水凝愁處似憶宣華舊事○行人別有
淒涼意折幽香誰與寄千里行立江皋杳難逢龍頭

歸騎音塵遠定天危樓獨倚

香雪林集卷之二十三 終

香雪林集卷之二十四

詩餘

鬢邊華

香雪林主人允明王思義集

小梅香細艷淺過楚岸樽前偶見愛閑淡天與精神
青鬢開人醉眼○如今拋擲經春恨不見芳枝寄遠
向心上誰解相思賴長對粧樓粉面

御堦行

平生有箇風流願願長與梅爲伴問伊因甚破寒來

只恐百花先綻比蘭比麝比酥比玉休恁閑撩亂○
瑤臺月下分明見依舊殘粧淺不知小得幾多香一
片清如一片直須遮斷恐人眼毒不解輕輕看

西江月

王介父

梅好惟嫌淡竚天教薄與胭脂真妃初出華清池酒
入瓊肌半醉○東閣詩情易動高樓玉管休吹北人
渾作杏花疑惟有青枝不似

又

杜安道

曉鏡初粧玉粉輕風暗透幽香閑隨月影到寒塘忘
却人間天上○雪意空驚春意孤芳已斷年芳從教
驛使爲伊忙乞箇壽陽宮樣

又

北嶺天饒瑞雪南枝地數紅苞朦朧霽月映寒梢誰
把玉人紗罩○香勝爐薰龍麝奇過庭擁瓊瑤一杯
清酒願相招慰我茅堂清嘯

又

洪覺範

入骨風流國色透塵往往真香爲誰風髻濕啼粧半
樹水村春曠○雪壓枝低籬落月高影動池塘高情
數筆寄微茫小寢初開霧帳

又

翡翠枝頭晚萼嬋娟月裏飄香春蘭秋蕙作尋常不
與天桃朋黨○笑見深紅淺白徒教蝶舞蜂忙風流
標致道家粧瀟灑得來粧樣

又

黃臘誰將點綴紅膏不許苑粧孤根來自水雲鄉風
味天然醞釀○看取玉奴呵手摘來珠露霑翠鬢
斜插一枝香似簇蜂兒頭上

又

萬木經霜凍折孤根獨報春來前春雪裏一枝開將
緩月華光彩○一點唇紅不褪粧如傳粉皚皚和羨
端的稟天才終日庖人鼎脔

蝶戀花

晏殊

千葉梅花誇百媚笑面凌寒內樣粧元試月臉水肌
香細膩風前偏稱東君意○一捻年光春有味江北
江南更有誰相似橫玉聲中吹滿地好枝長恨無人
寄

又

寄信道

雪後江城紅日晚暖入香梢漸覺玲瓏滿髣髴臨風
粧半面水簾斜捲誰庭院○折向樽前仔細看便是
江南寄我人還遠手把北枝多少怨小樓橫笛休腸

斷

又

毛澤民

想見江南情不少爾許多時怪得無消耗淡月暖雲
勾引到闌干寂寞憐春小○宮面可須勾盡了粉瘦
酥寒一段天真好喚起玉兒嬌睡覺半窓殘月南枝
曉

又

石耆翁

半夜六龍飛海嶠滉漾鰲波露出珊瑚小玉粉枝頭

春意早東風未綠瀛洲草○姑射仙人真窈窕浮練
明粧如伴商巖老夢入水雲閑縹緲一樓明月千山
曉

又

暖發黃宮和氣軟雪裏精神巧惜東君剪嫩蕊商量
春色淺青枝疑是香酥濺○誰道和羨芳信遠點點
微酸已向枝頭見休待玉英飛四散且移疎影橫金
盞

又

青玉枝頭紅蕾吐粉頰愁寒濃與胭脂傳辨杏猜桃
君莫誤天姿不到風流處○雲破月來花上住要共
佳人弄影參差舞只有暗香穿繡戶韶華一曲驚飛
去

又

剪蠟成梅無着意黃色微濃對萼勻粧綴百和薰肌
香旖旎仙裳應灑薔薇水○雪徑相逢人半醉手折

低枝擁結雲爭翠，摘盡撚枝無限思。玉真未灑梨花淚。

又

黃魯直

碧瓦籠烟香霧遶，呵手西偏小駐聞啼鳥。風度女牆吹語笑。南枝破蠟應開了。○道骨不凡江瘴曉。春色通靈醫得花重小。抱暖釀寒，春奮杳一聲畫角光殘照。

桃源憶故人

園林萬木凋零盡，惟是寒梅香噴不許雪霜欺損。迥有天然性。○南枝漸吐紅苞嫩，冠絕天桃繁杏不記故人音信。對景成離恨。

又

王逸民

劉郎自是桃花主，不許春風閑度春色易隨風去。片片傷春暮。○返魂不用清香炷。却有玉梅淡佇從此鎮長相顧。不怨飄殘雨。

又

江天雪意雲飛重却倚闌干初凍回傍小樓獨擁盡
日無人共○墻梅未落春先縱欲寄一枝誰送月夜
暗香浮動只作離人夢

又

南枝向暖清香噴誰付騷人詞詠一種隴頭春信不
借胭脂暈○梢頭誰把輕黃襯渾似不須施粉疑是
壽陽孤冷染得相思病

又

寒苞初吐黃金瑩色染薔薇猶嫩枝上紫檀香噴灑
落饒風韻○南枝一種同春信何事不須朱粉自稱
霓裳孤冷怨感官腰恨

添字浣溪沙

雪態水姿好似伊料應嘗笑水仙遲驛使初傳芳信
早賞佳期○暗想花神多巧妙粘酥綴玉壓纖枝粉
面臨鸞宜月殿整粧時

又

誰染深林酥綴來意濃含笑美顏開誤認浣溪人飲
罷上香腮○辯杏疑桃稱好句名園色異占多才折
得一枝斜插髻墜金釵

又

取次勻粧玉有痕參差玉軟淡精神姑射重綃風捲
亂喜相逢○蝶戲飛層雙翅重清中富貴最多情全
似壽陽當日事點殘英

又

密室蜂房別有香臘前偏會洩春光凝竚清容何所
似笑姚黃○蠟吐金鍾誠得意風飄氣味壓群芳不
似壽陽誇粉面道家粧

獨脚令

莫沙虛

絳唇初點粉紅新鳳鏡臨裝已逼真苒苒釵頭香趁
人惜芳晨玉骨冰姿別是春

又

史遠道

墻頭梅蕊一枝新宋玉東隣筭未真折與冰姿綽約

人怯霜晨桃李紛紛不當春

玉交枝

膽樣瓶兒幾點春剪來猶帶水雲痕且移孤冷相伴
最深樽○每爲惜花無曉夜教人甚處不銷魂爲君
惆悵向獨是黃昏

又

房舜卿

蕙死蘭枯待返魂暗香梅上又重聞紛紛粧額子多少
畫難真○竹外水清斜倒影江頭雪裏暗藏春千鍾

玉酒休更待飄零

又

蕙子蘭孫小樣兒化工簇就寄南枝笑他蘭蕙雖韻
帶輕肥○香靄紫檀和霧重色攢黃蠟界金徽有人
瀟灑插向鬢邊宜

又

誰到花房採蜜脾剪成黃蠟小花兒惡嫌朱粉不肯
肖青枝○檀吐暗香蘭許韻月移芳影雪生肌不妨

花蕊羞笛儘教吹

玉樓春

毛澤民

蕊珠宮裏三千女
摘粉爲春塵不住
月華冷處欲迎人
七里香風先滿路
一枝誰寄南安去
想得韶光能幾許
醉翁滿眼玉玲瓏
直到煙空雲盡處

又

迢遞前村深雪裏
望斷行雲香細笛
中宮裏慕芳姿
怨曲啼粧長見淚
○不會同心榮落易
冷艷翻隨

分積水有誰曾念隴頭人
遠寄江南春日意

又

郭仲循

靚粧才學春無價
腮粉額黃宮樣畫
妖嬈閑倚曲闌邊
孤淨不勝微月下
○牽情群蕊臨風亞
恐惜蒼苔和雨借
何如相傍玉樓人
芳酒繡筵紅燭夜

又

蕭蕭海上風長起
也有梅花開玉蕊
愛君風韻瑩如水
伴我情懷清似水
○詩人縱復工難擬
莫把關花

容易比濃香吹盡不須愁細雨微風催結子

又

紅酥肯放瓊苞碎探着南枝開遍未不知蘊藉幾多
香但見包藏無限意○道人憔悴春窗底悶損闌干
愁不倚要來小酌便來休未必明朝風不起

又

臘前先報東君信清似龍涎香得潤黃輕不肯整齊
開比着紅梅仍舊韻○纖枝瘦綠天生嫩可惜輕寒

摧挫損劉郎只解悞桃花悵恨今年春又盡

小桃紅

後園春早殘臘朦煙草數樹寒梅欲綻香英小妹無
端折盡釵頭朶滿把金樽細細傾憶得往年同伴沉
吟無限情惱東風莫便吹零落惜取芳菲眼下明

搗練子

欺萬木怯寒時倚闌初認月宮姬拭新粧披素衣孤
標韻暗香奇水容玉艷綴瓊枝借陽和天付伊

喜團圓

輕攢碎玉玲瓏竹外脫去繁華帶東君先點破壓群
花○瘦影清香黃昏月館清淺溪沙仙標淡竚偏宜
么鳳肯帶棲鴉

楊柳枝

晁無咎

素色清薰出俗華臘前花軒前愛日掃雲遮幾枝斜
○月淡紗窓香透白於紗幽人獨酌對芳葩興無涯
愁倚闌

冰肌玉骨精神不風塵昨夜窓前都折盡忽凝君○
清淚拂拂沾巾誰相念折贈芳春羞骨休吹別塞曲
有人聽

減字木蘭花

歐陽永叔

去年殘臘曾折梅花相對插人面而今空有花開無
處尋○天天不遠把酒拈花須發願願得和伊偎雪
眠香似舊時

又

庭梅初綻風遞幽香清更遠別有孤根不待陽和一
點恩○雪中風韻皓質冰姿真瑩靜月下精神來到
窓前疑是君

又

葉少蘊

前村半夜每爲江梅腸欲斷淺紫深紅誰信漫天雪
裏逢○醉頭扶起宿酒闌干猶困倚便莫催殘明日
東風爲掃看

又

疎梅風韻不許遊蜂飛蝶近要識芳容除向瑤臺月
下逢○樽前一見換盡平生桃李眼却笑襄王楚夢
無蹤空斷腸

又

山城驛近又報寒梅傳驛信遠水孤村月下何人與
斷魂○幽芳在手花本無情那得瘦似此天真好贈
東陽姓沈人

又

箇人風味只有江梅些子似每到開時滿眼清愁只
自知○霞裾仙珮姑射神仙風露態蜂蝶休忙不與
春風一點香

又

香肌清瘦淚濕輕紅疎雨後笑靨微開宿雨微醺越
女腮○多情無奈玉管休吹簾影外薄晚池臺惆悵
繁華夢裏來

又

東君有待留得一枝香雪在晚日融融只恐輕酥暖
漸溶○歌催管送芳酒一樽誰與共寂寞墻東蕭灑
黃昏滿院風

又

鶯黃初吐無數蜂兒飛不去別有香風不與南枝鬪
淺紅○憑誰折取擬把玉人分付與碧玉搔頭淡淡
霓裳人倚樓

又

園林衰稿一品梅花開太早紫蕊檀心獨占中央色
似金○幽香清遠對景閑樽同賞翫雅稱仙姿莫是
多情染相思

臨江仙

曾夫人

子宣妻

庭院深深幾許雲窓霧閣春遲為誰憔悴損芳姿夜
來清夢好應是發南枝○玉瘦檀輕無限恨南樓羞
管休吹濃香吹盡有誰知暖風遲日也別到杏花肥

又

漏出春光三四朶冰肌玉骨偏宜乍開應笑百花遲
將軍曾止渴畫角已先知○素豔不容蜂蝶採清香
自有人知而今雖被雪霜欺和羹終待手金鼎自逢
時

又

隴首雲收天色暮寒光射月初開崑荆山主莫疑猜
琳琅疑此地仙子不紅腮○麗質霜居真性雅餘香
暗送人來亂將碎玉綴枝排雪中尋不見青萼辨奇

才

又

葉少蘊

聞道今年春信早梅花不怕餘寒憑君先向近南看
香苞開也未莫道北枝殘○腸斷隴頭他日恨江南
幾驛征鞍一杯聊與盡餘歡風情何似有老去未應
閑

又

不與群芳爭絕艷化工自許寒梅一枝臨晚照歌臺

眼明渾未見絃管莫驚催○記取劉郎歸去路他年
應話天台酒闌不惜更重陪夜寒衣袂薄猶有暗香
回

又

范夢龍

試問前村深雪裏小梅未放雲英陽和先到錦官城
南枝初破粉東閣有餘清○人在高樓橫怨管寄將
隴客新聲西園日曉看飛瓊春風催結子金鼎待調
羹

又

昨夜新陽回候館芳菲正滿霜林此時珍重重千金
誰知紅粉艷還有歲寒心○風動霞衣香散漫酒薰
丹臉深沉妖嬈偏稱美人簪一枝無處贈折得自孤
冷

又

愛日新添長線春工先到寒梅不隨桃李傍熙臺前
村深雪裏昨夜一枝開○姑射仙人標格韻凝墻粉

謝香腮數家清弄笛聲哀愁人不願聽自向枕邊來
又

玉貌香腮天賦與清姿不假鉛華素芳尋在五陵家
欲知春信息庾嶺一枝斜○別有玲瓏瀟灑處月稍
淡影籠遮休交羌笛一聲嗟宮粧猶未似畱取意無
涯

踏莎行

張尚書

子功

陽復寒根氣回枯幹前村昨夜梅初綻誰言造化沒

偏頗半開何獨南枝暖○素艷幽輕清香遠散雪中
豈恨和羹晚不知何處誤東君至今不使春拘管

又

毛澤民

映竹幽妍臨池娟睨芳苞先暖香初煖南枝微弄雪
精神東君早寄春音信○奔月仙標乘烟遠韻玉臺
粉點和酥凝從來清瘦可禁寒爲誰早把霞衣褪

又

景伴冰簷情回瑤草甫能綻得春來到管曾獨自索

春憐而今靚着東風笑○凝粉酥寒雲房睡覺胭脂
也不添些少天真要與此花爭是伊占得春工早

又

枝綠初勻萼紅猶淺化工粧點年華晚暗香踈影水
亭邊黃昏月下依稀見○十二危樓誰人倚遍只愁
羌笛聲幽怨少畱情意待春來東君准擬長拘管

又

萼破前村枝橫江路鐵心應也頻凝竚怕愁惟恐不

禁愁寧教雪月相分付○不測春來難隨香去無人
知我心先誤多情總道是東君東君也有無情處

又

點點瓊酥初寒昨結看來未忍輕輕折園林正苦久
蕭條春工着意饒先發○眼底不凡枝頭自別也知
徹古宜霜雪這般風味恁馨香怎教桃李同時節

又

王母池邊曾記舊識玉京仙苑新移得素娥青女好

精神比看終是無顏色○傳入漢宮偷換粧飾壽陽
空恁勞心力寒香都不爲春來莫將遠寄春消息

又

趙溫之

妖艷相偎清香交噴花王尤喜來親迎有如二女事
唐虞群芳休更誇相並○小雨資嬌輕風借潤天應
知我憐孤韻莫驚歲歲有雙葩儀真自古風流郡

又

毛澤民

粟玉玲瓏壅酥浮動芳跗染得胭脂重風前蘭麝作

香寒枝頭煙雪和春凍○蜂翅初開蜜房香弄佳人
寒睡愁如夢鶯黃衫子茜羅裙風流不與江梅共

漁家傲

蕙死蘭枯籬菊槁返魂香入江南早竹外一枝斜更
好誰解道只今誰有東坡老○去歲花前人醉倒酒
醒花落嫌人掃人去不來春又到愁滿抱青山一帶
連芳草

又

雪裏已知春信至寒梅點綴瓊枝膩香臉半開嬌旖
旎當庭際玉人浴出新粧洗○造化可能偏有意故
教明月玲瓏地共賞金樽沉綠蟻莫辭醉此花不與
群花比

又

恰到小庵貪睡着不知風撼梅花落一點兒春吹去
却香約畧黃蜂猶抱紅酥萼○遶遍寒枝添寂寞却
穿行徑隨孤萼守定微官真箇錯從今莫從今莫負

雲山約

又

雪點江梅纔可可梅心暗弄纖纖
朶疑是月娥庭下過仙翹
彈雲衫密綴真珠顆○玉笋金甌連臂坐芳辰莫把離魂挫
一曲繡筵嬌婀娜情無那陽關聲裏櫻桃破

又

薛幾聖

雪月照梅溪畔路幽姿背立無言語
冷浸瘦枝清淺

處香暗度粧成處士橫斜句○渾似玉人常淡
竚菱花相對成清楚誰解小圖先畫取
天欲曙恐隨月色雲間去

胡搗練

晏幾道

小春花信雪中來隴上小梅先拆
今歲東君消息還自南枝得○素衣洗盡
九天香玉酒添成國色一自故園疎隔腸斷
長相憶

又

小亭初破一枝梅惹起江南歸興遙想玉溪風景水
漾橫斜影○異香直到醉鄉中醉後還因香醒好是
玉容相並人與花爭瑩

又

夜來江上見寒梅自逞芳妍標格爲甚東風先拆分
付春消息○美人釵上玉樽前朶朶濃香堪惜誰把
彩毫描得免恁輕拋擲

定風波

東坡

好睡慵開莫厭遲自憐冰臉不宜時偶作小紅桃李
色閑雅尚餘孤瘦雪霜姿○休把閑心隨物態何事
酒生微暈沁瑤肌詩老不知梅格在吟咏更看綠葉
與青枝

又

又是春歸煙雨村一枝香雪度黃昏竹外雲低疎影
亞瀟灑水清沙淺見天真○瘦玉欺寒香不暖堪羨
冰姿照夜月無痕樓上笛聲休取取說與江南人遠

易消魂

又

一樹寒梅傍小溪，夜來陡覺綻高枝。
冷艷冰姿金盞淺，堪羨凝明。因與雪霜期。
○折贈美人臨寶鑑，雲臉鬢邊斜插，最相宜。
憑仗高樓頻祝付，說與馬融羞管，且停吹。

鵲踏枝

南國寒輕山自碧，庭際梅花先報春消息。
綺萼玉英何忍摘，直堪樹下陳瑤席。
○旋嗅清香消酒力，剪綵無功，粉筆爭描得。
一曲新歡須共惜，等閑零落隨羌笛。

又

寶月

斜日半山寒已薄，雪過松梢猶有殘英落。
晚色際天天似幕，一樽先與東風約。
○邀得紅梅同宴樂，酒面融融，春滿纖纖萼。
客意爲伊渾忘却，歸船且傍花陰泊。

又

故里山遙春靄碧爲想繁枝清夢何曾息繚帶霜英
人不摘紛紛日暮飄裊席○休把離腸憑酒力只有
輕紈依約應傳得白髮未歸空自惜柔腸寄盡平陽
笛

清平樂

李易安

年年雪裏常插梅花醉摘盡梅花無好意贏得滿衣
清淚○今年海角天涯蕭蕭兩鬢生華看取晚來風

勢故應難看梅花

又

寒欺過雪梅蕊春前發照影弄姿香冉冉臨水一枝
風月○夢遊髣髴仙鄉綠窓曾見幽芳事往無人共
說愁聞玉笛聲長

春光好

看看臘盡春消息到江南早梅昨夜前村深雪裏一
朶先開○盈盈玉蕊如裁更風細清香暗來空使行

人欲腸斷駐馬徘徊

帶人嬌

玉瘦香濃檀深雪散今年恨探梅久晚江樓楚館雲
閑水遠清晝永凭欄翠簾低捲○坐上客來樽中酒
滿歌聲共水流雲斷南枝可插便須頻剪莫直待西
樓數聲羌管

一色宮桃

鏤玉香苞酥點萼正萬木園林蕭索惟有一枝雪裏

開江南有信憑誰託○前年記賞登高閣歎年來舊
歡如昨聽取樂天一句云花開處且須行樂

河傳

香苞素質天賦與傾城標格應是曉來暗傳東君消
息把孤芳回暖律○壽陽粉面增粧飾說與高樓休
更吹羌笛花下醉賞留取時倚欄干聞清香添酒力

七娘子

清香浮動到黃昏向水邊疎影梅開粉溪畔青蕊有

如淺杏一枝兒喜得東君信○風吹只怕霜侵損更
欲折來插向多情髻壽陽粧鑑雪肌玉瑩嶺頭別是
微添粉

憶少年

疎疎整整斜斜淡淡盈盈脉脉徒憐暗香句笑梨花
顏色羈馬蕭蕭行又急空回首水寒沙白天涯倦牢
落忍一聲羌笛

烏夜啼

權無染

洗淨鉛華汚玉顏自發輕紅無言雪月黃昏後別是
箇丰容○骨瘦難禁消瘦香蒙不並芳穠與君高却
看花眼紅紫謾春風

浪淘沙

春色入橫塘變盡淒涼青梢弄粉雪溪傍疑是化工
偏着意欲試新粧○玉蓓鎖春藏占斷寒芳他時鼎
鬲不須忙洩漏清香方有思別是春光

又

雪裏暗香濃乍吐瓊英橫斜疎影月明中學傅胭脂
桃與杏虛廢春工○素艷有誰同不並妖紅應如褒
姒笑時容絕勝梨花春帶雨旖旎春風

又

村左小溪傍粉黛宜芳寒添瀟灑冷添霜清瘦幾枝
堪入畫竹映苔墻○疎影浸橫塘月暗浮香當時曾
伴壽陽粧不似東君先倚檻洩漏春光

點絳脣

洪覺範

沙水泠泠斷橋斜路梅枝亞雪花初下全似江南畫
○白璧青錢欲買應無價歸來也風吹平野一點香
隨馬

又

破萼江梅迥然標格水肌瑩暗香疎影月淡銀塘靜
○折取一枝與插多情髻臨鸞鏡粉容相並試問誰
端正

又

煙淡黃昏月移疎影橫斜去暗香微動點綴稍頭雨
○玉管休吹更要畱春住人何處對花無語望斷江
南路

又

點點江梅向疎籬處香風逗未容春透花亦如人瘦
○姑射山頭誰伴黃昏後君知否自然孤秀橫玉休
三奏

又

寶月

春過瑤池長空飛下殘英片素光圍練寒透笙歌院
○莫把壽陽粧信傳書箭掩香面漢宮尋遍月裏還
相見

又

雪裏芳叢嶺頭還報東君信壽陽粧靚姑射水肌瑩
○曲岸橫斜清淺波相應風不定暗香疎影占斷花

中韻

又

萬木凋殘早梅獨占孤根暖前村雪滿昨夜南枝綻
○堪恨倚欄容易吹羞管飄瓊片翠蛾爭選貼向桃
花面

又

昨夜寒梅一枝雪裏多風韻幽香無數不與群花語
○最是凝情月夜交光處誰爲主待須折取羞管休
輕舉

又

春日芳心暗香偏向黃昏逗玉肌寒透抵死添清瘦
○影落橫塘月淡人歸後君知否一枝先秀應向東
君奏

又

賦雪歸來綠窓一夜霜風緊也知春信消息南枝近
○隱映斜陽玉暖香成陣西湖景繁英有恨只恐東
風褪

虞美人

清江一曲君應見昨夜潮頭淺不爭落落闔奇奇看
取水邊寒蕊雪邊枝○日斜踈影還歌倒沙上鳩鵲
老只今何處有新詩好在小春十月醉翁辭

醉落魄

瓊槎粉滴南枝只報江南拆橫斜踈影溪邊窄剪碎
白雲分付隴頭客○水肌綽約疑姑射鉛華消盡見
真色不隨桃李開紅白我爲東君來報春消息

又

梅花似雪賞花記得同懽悅更闌猶自貪攀折不怯
春寒須要待明月○如今月上花爭發踈枝冷蕊對
離缺人心只道花爭別不道人心不似舊時節

更漏子

寶香餅桐葉卷蕩漾水痕微淺思遠信覺春遲野梅
初見時○上潮風臨晚渡人欲過西江去吹塞管壠
雲低江南花未知

又

絳紗籠金葉蓋向曉燈花猶在冰未結小瑠璃隴梅
香滿枝○雪無香花有意不是江南新寄霜月淨碧
天寒玉樓人倚欄

落梅花

宮煙如水濕芳晨梅似雪相親數枝春惹香塵○壽
陽嬌面偏憐惜粧成一面花新鏡中重把玉纖勻酒
初醺

古記

即如夢令

一梳懶懶春困記得小梅風韻何處最關情嫩蕊初
傳芳信堪恨堪恨誰傍橫斜疎影

又

臘半雪梅初綻玉屑瓊英碎剪素艷與清香別有風
流堪羨苞嫩蕊淺羞破壽陽人面

又

疑是水晶宮殿雲女天仙寶宴吟賞欲黃昏風送一
聲羌管霜淡月淡月在畫樓西畔

少年遊

李景先

江國陸郎封寄後獨自冠群芳
拆時雪裏帶時香
燈下面訝爭光
○而今不怕吹羌管
一任歷繁霜
自玳筵賞處
玉纖整後
猶勝嶺頭香

解語花

楊大年

江南節物水昏雲淡
飛雪滿前村
千尋翠嶺一枝芳
艷迢遞寄歸人
○壽陽粧罷
未姿玉態的的寫天真
等閑風雨又紛紛
更忍向笛中聞

生查子

青帝曉來風
偏傍梅梢緊
未放玉肌開
已覺龍香噴
○此意比佳人爭柰
非朱粉
惟有許飛瓊風味依稀近

又

朔風吹凍雲
雲破天容碧
新月過溪來
隱見橫雲色
○天與水爭妍
花與月爭白
一倩管城君寄此春消息

鵲橋仙

朱希真

溪清水泮月籠烟淡玉破梅梢未遍橫窓纖瘦有如
無但空裏疎枝花見○乘風欲去枝頭難住誰見紅
愁粉怨夜深青女濕微霜暗香散廣寒宮殿

卜筮子

陸務觀

驛外斷橋邊寂寞開無主已是黃昏獨自悲更着風
和雨○無意苦爭春一任群芳妬零落成泥碾作塵
只有香如故

菩薩蠻

朱淑真

温雲不度溪橋冷嫩寒初透東風景橋下水聲一
枝和雪香○人憐花似舊花比人應瘦莫凭小闌干
夜深花正寒

西江月

東坡蘇軾

馬趁香微路遠沙籠月淡煙斜渡波清微映妍華倒
綠枝寒鳳掛○掛鳳寒枝綠倒華妍映微清波渡斜
煙淡月籠沙遠路微香趁馬

菩薩蠻

梅 總

折來初步東溪月月溪東步初來折香處是瑶芳芳
瑶是處香○蘇花浮暈淺淺暈浮花蘇清對一枝餅
餅枝一對清

望遠行

柳耆卿

小寒時節正同雲暮慘勁風朝冽信早梅偏占陽和
向日處凌晨數枝先發時有香來望明艷遙知非雪
碾礪金嫩蕊弄粉素英旖旎清徹○仙姿更誰並列

有幽光照水疎影籠月且大家畱倚闌干闔醪醕飛
看錦牋吟閣桃李春花料比此芬芳俱別見和羨大
用莫把翠條謔折

天香

劉方叔

漠漠江臯迢迢驛路天教爲春傳信萬木叢邊百花
頭上不管雪飛風緊尋交訪舊惟翠竹寒松相認不
意牽詩動興何心襯粧添暈○孤標最其冷落不許
蝶親蜂近直自從來潔白箇中清韻儘做重聞塞管

也何害香銷粉痕盡待到和羹纔明底蘊

一叢花

顧璘

東風花發小池邊移種是何年江南舊日看花處更
回首多少山川聊折一枝瓦瓶斜插惆悵早春天

又

前人

凌波何處見銖衣池畔月明時春風莫作顛狂態好
堪耐瑤雪葳蕤樓上笛殘隴頭書遠人在楚雲西

獅子兒

瞿宗吉

凌寒向暖問底事一種春風自分南北堪愛枝間么
鳳羽衣渾綠相看回熟記夢裏羅浮同宿傷心處當
年別後幾遷陵谷○一笑相逢意足便竹廬茅舍何
須金屋弄葢攀條幾度清香飛撲歲寒耐久只除是
後凋松竹莫嫌好與共論心曲

喜遷鶯

劉基

凍雲初啓看的樂梅花俯窺清泚膏澤無加鉛華不
御應與素娥爭麗艷浥葉宮露冷香引瑤池風細夜

耿耿相飛瓊欲下縞衣搖曳○驚恍猶記得月榭春
宵錦障開芳石切倚樹聯詩擷英浮酒左右翠翹珠悅
今日故人何在腸斷白波東逝向此際但含情猶立
爲伊凝盼

暗香

舊時月色筭幾翻照我梅邊吹笛喚起玉人不管清
寒與攀摘何遜如今老矣都忘却春風詞筆但怪得
竹外疎花香冷入瑤席○江國正寂寂嘆寄與路遙
處千樹壓西湖寒碧又牀吹盡也甚時見得

疎影

苔枝綴玉有翠禽小小枝上同宿夢裏相逢籬落黃
昏無言自倚修竹昭君不慣胡沙遠但暗憶江南江
北想珮環月夜歸來化作此花幽獨○長記深宮舊
事那人正睡裏飛近蛾綠莫侶春風不管盈盈早與
安排金屋從教幾片隨風去又却怨玉龍哀曲待恁

時重見幽香已入小窗橫幅

菩薩蠻

雪花飛暖融香涉涉香融暖飛花雪欺雪任單衣衣
單任雪欺○別時梅子結結子梅時別歸不恨開遲
遲開恨不歸

香雪林集卷之二十四

終

